

3月20日。春分日讀春日詩。

CH：中國的中世

1、晉詩卷十一。王虞。春可樂。

春可樂兮。樂孟月之初陽。冰泮渙以微流。土冒橛而解剛。
野暉赫以揮綠。山蔥倩以發蒼。

吉辰兮上戊。明靈兮唯社。百室兮必集。祈祭兮樹下。濯茆
兮菹韭。齧蒜兮擗鮓。縹醪兮浮蟻。交觴兮並坐。氣和兮體
適。心怡兮誌可。

2、宋詩卷九。鮑照。春羈詩。

征人嘆道遐。去鄉愒路邇。佳期每無從。淮陽非尺咫。春日
起遊心。勞情出徙倚。岫遠雲煙綿。谷屈泉靡迤。風起花四
散。露濃條旖旎。暄妍正在茲。摧抑多嗟思。嘶聲名邊堅。
豈我箱中紙。染翰餉君琴。新聲憶解子。

3、齊詩卷二。王融。春遊迴文詩。

枝分柳塞北。葉暗榆關東。垂條逐絮轉。落蕊散花叢。池蓮
照曉月。幔錦拂朝風。低吹雜綸羽。薄粉艷妝紅。離情隔遠
道。嘆結深閨中。

4、梁詩卷十九。蕭子暉。春思詩。

春風蕩羅帳。餘花落鏡奩。池荷正卷葉。庭柳復垂檐。竹柏
君自改。團扇妾方嫌。誰能憐故素。終為泣新縑。

5、梁詩卷二十一。蕭綱。晚春詩。

紫蘭葉初滿，黃鶯弄不稀。石蹲還似獸，蘿長更如衣。水曲文魚聚，林暝鴉鳥飛。渚蒲變新節，巖桐長舊圍。風花落未已，山齋開夜扉。

6、隋詩卷三。楊廣。四時白紵歌。東宮春。

洛陽城邊朝日暉，天淵池前春燕歸。含露桃花開未飛，臨風楊柳自依依。小苑花紅洛水綠，清歌宛轉繁弦促。長袖逶迤動珠玉，千年萬歲陽春曲。

7、李煜。清平樂。

別來春半，觸目柔腸斷。砌下落梅如雪亂，拂了一身還滿。雁來音信無憑，路遙歸夢難成。離恨恰如春草，更行更遠還生。

8、賀鑄。青玉案。

凌波不過橫塘路。但目送、芳塵去。錦瑟華年誰與度。月橋花院，瑣窗朱戶。只有春知處。飛雲冉冉蘅皋暮。彩筆新題斷腸句。若問閑情都幾許。一川煙草，滿城風絮。梅子黃時雨。